



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Komunikadu Imprensa
Parlamentu Nasionál
20 Outubru 2020

JSMP apresia deputadu proponente sira ba iniciativa submete rezolusaun ba medida prevensaun sira iha kazu infantisídiu no abandona bebe no labarik

JSMP apresia ho iniciativa no vontade di'ak hosi deputadu **proponente sira ne'ebé elabora no** submete projeitu Rezolusaun nú 59/V (3a) **ba iha meja Parlamentu Nasionál atu diskute no aprova projetu ida ne'e ne'ebé** rekomenda ba Governu atu adopta medida prevensaun sira iha kazu infantisídiu no abandona bebe no labarik.

“JSMP apresia no konsidera rekomendasaun sira iha rezolusaun ne'e importante tebes Tanba ne'e, JSMP husu ba deputadu sira hodi tau prioridade no aseleira prosesu diskusaun no aprovasaun ba rezolusaun ne'e,”dehan Diretora Ezekutivu JSMP, Sra. Ana Paula Marçal.

Antes ne'e, iha JSMP nia relatóriu sira sempre rekomenda ba Ministéiru Publiku no Tribunál atu konsidera no aplika sentensa ho karakter ne'ebé proteje fetu sira. Katak la'os fetu mak uniku sai arguida maibé tenke investiga mós autor seluk ne'ebé iha ligasaun ho kazu ne'e. Aleinde ne'e rekomenda mos atu Estadu kria kondisaun ba fetu sira ne'ebé isin rua tanba insdente (kebetulan), tanba sira mós nu'udar vítima ba hahalok mane irresponsável sira nian*.

Krime infantisídiu nu'udar krime ne'ebé seriu, tanbá ne'e presiza mekanizmu apropriadu atu prevene krime infantisídiu no salva labarik sira-nia vida durante partu ka hafoin partu. Protesaun ne'e persiza iha kolaborasaun hosi entidade hotu; Governu, Sosiedade, liu-liu família atu prevene krime ne'e.

Ajenda plenaria ba rezolusaun ne'e, sei hala'o iha Segunda-feira, 26 Outubru 2020.

* https://jsmp.tl/wp-content/uploads/2012/06/JusticeUpdateKrimelInvantisidio_Tetum.pdf

Atu hetan informasaun kompletu bele kontaktu:

Ana Paula Marçal

Diretora Ezekutiva JSMP

Email: ana@jsmp.tl

[Website:](#)

Rua Beco Lakateu, Aldeia Manu fuik,
Suku Colmera, Administrativu Vera Cruz
Dili Timor Leste
PoBox: 275

Telefone: 3323883 | 77040735

www.jsmp.tl

luis@jsmp.minihub.org

Facebook: www.facebook.com/timorleste.jsmp

Twitter: @JSMPtl